

**STATUT**  
**I**  
**SHOQERISE ME PERGJEGJESI TE KUFIZUAR**  
**“ SUPER GAS “ SHPK**

Sot ne date 03/03/2017 ( tre mars dymije e shtatembedhjete) ne qytetin e Korçës duke u bazuar ne vullnetin e tij te lire, te plote dhe te sinqerte ne baze te ligjit nr. 9901 date 14.04.2008 “ Per tregtaret dhe shoqerite tregtare “ ortaku:

**Kristina Beqirllari** e bija e Myrtezait e datelindjes 19/08/1963 lindur e banuese ne Korçe me neshtetesi Shqipëtare .

Ka hartuar kete statut lidhur me organizimin, administrimin dhe drejtimin e shoqerise tregtare “ **Super Gas“ Sh.p.k** .

Shoqeria eshte “ Shoqeri me pergjegjesi te kufizuar” ku ortaket mbulojne personalisht humbjet e shoqerise deri ne pjesen e pashlyer te kontributeve te nenshkruara.

Kontributi i ortakut perbejne kapitalin e rregjistruar te shoqerise me pergjegjesi te kufizuar.

**NENI 1**

**Emërtimi i shoqërise**

Shoqëria tregtare do te mbaje emrin “**Super Gas“ Sh.p.k** i cili do te jete i stamposur dhe ne vulën e saj dhe do te figuroje ne te gjitha aktet ose dokumentat e nxjera nga shoqeria dhe qe ju drejtohen te treteve. Per marredheniet e saj me subjekte jashte territorit te Shqiperise, shoqeria do te mbaje te njejtin emërtim me gërma latine.

**NENI 2**

**Selia e shoqerise**

Selia e shoqerise eshte ne Njesine Administrative Bulgarecit, Bashkia Korçë ne adresen : Lagja periferike, Rruga Korçë- Dishnicë, Km 1 objekti ne zonen Kadastrale 1101 Nr.Pasurie 262/57. Shoqeria mund te krijojë dege dhe filiale ne rrethe te tjera te Shqiperise dhe jashte saj.

**NENI 3**

Shoqeria tregtare “ **Super Gas “ Sh.p.k** eshte subjekt juridik Shqiptar dhe veprimtarine e saj e bazon ne legjislaturen shqiptare dhe kryesisht ne :

› Ligjin nr. 9901 date 14.04.2008 „Per tregtaret dhe shoqerite tregtare“

**NENI 4**

**Kohezgjatja e shoqerise**

Kohezgjatja e veprimtarise se shoqerise do te jete mbi 20 vjet. Kohezgjatje e cila nis ne momentin qe ajo regjistrohet ne regjistrin tregtar prane QKR.

**NENI 5**

Personalitetin e saj ligjor Shoqeria e fiton nepermjet Vendimit te regjistrimit prane QKR.



## NENI 6 Objekti i shoqerise

Objekti i veprimtarise ekonomike dhe qellimi i shoqerise eshte :

- Tregti me pakice te naftes dhe nenprodukteve te saj, Benzine, Gazit te lengshem, Bitum , Mazut, Vajra Lubrifikante etj .
- Transporti i naftes, gazit dhe nenprodukteve te tyre.
- Hapje sherbim servisi, sherbim transporti mallrash dhe udhetaresh.
- Sherbime Bar Restorant Piceri.
- Agjensi konsulence ne sektorin tregtar per bizneset vendase ose te huaja.
- Agjensi turistike.
- Aktivitete me pasuri te luajtshme dhe te paluajtshme.

## NENI 7 Kapitali themeltar

Kapitali themeltar i shoqerise ka vleren 100 000 leke dhe perfaqeson 1 kuote.

Kontributi ne kapitalin themeltar eshte ne masen e meposhme nga ortaku :

**Kristina Beqirllari**, zoteron nje kuote te vetme ne shoqeri e cila perben 100 % te kapitalit themeltar

Zvogelimi i kapitalit themeltar ne nje shume me te vogel se shuma minimale e parashikuar nga ligji e detyron shoqerine ta plotesoje ate, perndryshe ajo do te shndrohet ne nje forme tjeter ose te priset.

Kontributet ne sherbime nuk mund te shperblehen me pjese ne kapitalin themeltar.

## NENI 8

Ndalohet emetimi i letrave me vlere nga Shoqeria me pergjegjesi te kufizuar. Po qe se behet nje gje e tille, ky emetim eshte i pavlefshem.

## NENI 9

### Kuotat e Kapitalit

Transferimet e kuotave te kapitalit duhet te vertetohet me akt noterial. Ato mund te fitohen apo kalohen nepermjet shitblerjes, dhurimit, me rruge trashegimnie ose me cdo menyre tjeter te parashikuar ne ligj.

Ne qofte se pjeset qe transferohen perbejne pasuri te perbashket, bashkeshorti i transferusit duhet te jape pelqimin e tij.

Pjeset e kapitalit themeltar mund t'u transferohen personave te trete qe nuk bejne pjese ne shoqeri. Ne kete rast transferimi duhet te jete i miratuar nga ortaket ne kushtet e shumices se kerkuar per ndryshimet ne statut (shumica qe perben  $\frac{3}{4}$  e pjeseve te kapitalit themeltar).

Perfituesit qe perfitojne nga transferimi detyrohen te disponojne kapitalin e perfituar per nevojat e shoqerise, duke mare persiper te gjitha te drejtat dhe detyrimet qe kishte mbajttesi i kapitalit. Transferimet ndermjet ortakeve kryhen lirisht. Ndryshimet ne pjeseve te kapitalit themeltar duhen te pasqyrohen ne statut dhe ne QKR.

*KB  
ra*

## NENI 10

### Zmadhimi i kapitalit

Zmadhimi i kapitalit vendoset me shumicen e parashikuar per ndryshimet e statutit (3/4 e pjeseve).

Zmadhimi i kapitalit me ane te nenshkrimeve te pjeseve te kapitalit themeltar per kontributet ne para behet duke depozituar per llogari te shoqerise ne nje banke fondet ne para.

Pjeset e reja te kapitalit themeltar mund te nenshkruhen qofte nga ortake ekzistues qofte nga persona jo ortake.

Zmadhimi i kapitalit mund te behet nepermjet perfshirjes ne te te rezervave te lira, te fitimeve te pashperndara.

Zmadhimi i kapitalit plotesisht ose pjeserisht me ane te kontributeve ne natyre behet ne baze te nje raporti te ekspertit kontabel i emeruar sipas legjislacionit shqiptar.

Kur pjese te reja te kapitalit themeltar nenshkruhen nga persona joortak keta duhen te miratohet nga shumica e ortakeve qe perfaqesojne  $\frac{3}{4}$  e ortakeve.

## NENI 11

### Zvogelimi i kapitalit

Zvogelimi i kapitalit duhet te autorizohet nga asamblea e ortakeve e cila merr vendim te shumices se ortakeve qe perfaqesojne  $\frac{3}{4}$  e ortakeve.

Realizimi i zvogelimi te kapitalit mund te arihet nepermjet zvogelimi i vleres nominale te pjeseve ose zvogelimi i numrit te pjeseve.

Kapitali themeltar nuk mund te zvogelohet ne nje shume me te vogel se minimumi ligjor.

## NENI 12

### Asamblea e Pergjithshme

Organi vendimares i shoqerise eshte asamblea e pergjithshme

Asamblea e pergjithshme thiret nga administratori.

Thirja e asamblese behet me shkrese e cila duhet te permbaje vendin, daten, oren e mbledhjes dhe rendin e dites dhe dergohet me leter rekomande te pakten 7 dite perpara mbledhjes se asamblese.

Cdo mbledhje e thirur ne menyre te parregullt mund te anulohet.

1. Asambleja e pergjithshme eshte pergjegjese per marrjen e vendimeve per shoqerine per cheshtjet e meposhtme:

a) percaktimin e politikave tregtare te shoqerise;

b) ndryshimet e statutit;

c) emerimin e shkarkimin e administratorëve;

ç) emerimin e shkarkimin i likuiduesve dhe te ekspertëve kontabël të autorizuar;

d) percaktimin e shperblimeve per personat e permendur ne shkronjat "c" dhe "ç" te kesaj pike;

dh) mbikqyrjen e zbatimit te politikave tregtare nga administratorët, perfshire perгатitjen e pasqyrave financiare vjetore dhe te raporteve te ecurisë se veprimtarisë;

e) miratimin e pasqyrave financiare vjetore dhe te raporteve te ecurisë së veprimtarisë;

ë) zmadhimin dhe zvogelimin e kapitalit;

f) pjesëtimin e kuotave dhe anulimin e tyre;

g) perfaqesimin e shoqerise ne gjykate dhe ne procedimet e tjera ndaj dministratorëve;

gj) riorganizimin dhe prishjen e shoqerise;

h) miratimin e rregullave procedurale te mbledhjeve te asamblesë;

i) cheshtje te tjera te parashikuara nga ligji apo statuti.

2. Asambleja e pergjithshme merr vendime per cheshtjet e percaktuara ne shkronjat "e" dhe "ë" te pikës 1 te ketij neni, pas marrjes dhe shqyrtimit te dokumenteve perkatës.

*KB*  
*pl*

3. Nëse shoqëria zotërohet nga një ortak, të drejtat dhe detyrimet e asamblesë së përgjithshme ushtrohen nga ortaku i vetëm. Të gjitha vendimet e marra nga ortaku i vetëm regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to, vendimet për:

- a) miratimin e pasqyrave financiare vjetore dhe të raporteve të ecurisë së veprimtarisë;
- b) shpërndarjen e fitimeve vjetore dhe mbulimin e humbjeve;
- c) investime;
- ç) vendimet për riorganizimin dhe prishjen e shoqërisë.

Vendimet e paregjistruara në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përveç rastit kur shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.

Ndryshimet në statut vendosen nga ortakët që përfaqesojnë të paktën  $\frac{3}{4}$  e pjeseve të kapitalit themeltar.

### **NENI 13**

#### **Kuorumi**

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, sipas nenit 87 të ligjit 9901 date 14.04.2008, ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të ligjit 9901 date 14.04.2008.

Nëse asambleja e përgjithshme nuk mund të mbledhet për shkak të mungesës së kuorumit të përmendur në pikën 1 të këtij neni, asambleja mbledhet përsëri jo më vonë se 30 ditë, me të njëjtin rend dite.

### **NENI 14**

#### **Marrja e vendimeve**

Me përjashtim të rasteve kur statuti parashikon një shumicë më të lartë, asambleja e përgjithshme vendos me tri të katërtat e votave të ortakëve pjesëmarrës, siç përcaktohet në pikën 1 të nenit 86 ligjit 9901 date 14.04.2008, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

Me përjashtim të rasteve kur parashikohet ndryshe në ligj ose në statut, për çështjet e tjera të renditura në nenin 81 të ligjit 9901 date 14.04.2008, asambleja e përgjithshme vendos me shumicën e votave të ortakëve pjesëmarrës.

Me përjashtim të rasteve kur parashikohet ndryshe në këtë ligj, vlefshmëria e vendimeve, që përcaktojnë detyrime shtesë mbi ortakët, apo vendimet që kufizojnë të drejtat e tyre, të parashikuara në këtë ligj ose në statut, kushtëzohet nga miratimi i ortakut përkatës.

### **NENI 15**

#### **Procesverbalet e mbledhjes së asamblesë**

Të gjitha vendimet e asamblesë së përgjithshme duhet të regjistrohen në procesverbal. Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme.

Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

Procesverbalit i bashkëlidhet edhe lista e pjesëmarrësve, si edhe akti i thirrjes së asamblesë së përgjithshme.

Procesverbali i mbledhjes nënshkruhet nga kryetari dhe nga mbajtësi i procesverbalit.

## NENI 16 Administrimi

Administratori është përfaqësuesi ligjor i shoqërisë ndaj të tretëve.

Ai ka të gjitha kompetencat për të vepruar në marrëdhënie me të tretët në emër të shoqërisë, në të gjitha rrethanat.

Shoqëria tregtare “**Super Gas**“ **Sh.p.k** administrohet nga një person fizik..

Administratori i Shoqërisë Tregtare “**Super Gas**“ **Sh.p.k** është **Kristina Beqirllari** e bija e Myrtezait e datelindjes 19/08/1963 lindur e banuese në Korce me neshtetësi Shqipëtare i cili do të përfaqësojë shoqërinë në të gjithë veprimtarinë e saj.

Administratori emërohet për një periudhë 5 (pese) vjetore me të drejtë ripërtëritje.

Administratori mund të shkarkohet nga asambleja me shumicë të zakonshme.

Administratori kryen të gjitha veprimet e administrimit në interes të shoqërisë.

Të gjitha vendimet që ai merr duhet të jenë në pajtim me interesin e sipërmarrjes

Administratori ka këto kompetenca :

- Kryejnë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme;
- Përfaqësojnë shoqërinë tregtare në marrëdhënie me të tretët;
- Kujdesen për mbajtjen e saktë e të rregullt të dokumenteve dhe të librave kontabël të shoqërisë;
- Përgatisin dhe nënshkruajnë bilancin vjetor, bilancin e konsoliduar dhe raportin e ecures së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim
- Krijojnë një sistem paralajmërimi në kohën e duhur për rrethanat, që kërcënojnë mbarrëvajtjen e veprimtarisë dhe ekzistencën e shoqërisë;
- Kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- Raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- Siguron zbatimin e vendimeve që jep asambleja e përgjithshme.
- Propozon krijimin e organeve të reja për përmirësimin e punës.
- Nënshkruan për llogari të shoqërisë kontrata.
- Lidhen kontratat individuale dhe ato kolektive të punës.
- Kryen çdo detyrë tjetër të përcaktuar në ligjin „Për tregtarët dhe shoqëritë tregtare“ dhe në statut.

Shoqëria merr përsipër detyrimet që rrjedhin nga aktet e administratorëve edhe kur ato nuk përfshihen në objektin e shoqërisë.

Shoqëria nuk merr përsipër pasojat ndaj të tretëve kur ajo provon se të tretët e dinin që aktet e administratorëve e kalonin objektin e shoqërisë.

Administratori nuk mund të bëhet dorezanes apo të garantojë në emër të saj angazhimet ndaj të tretëve.

Administratori mund të shkarkohet me vendim të asamblesë së përgjithshme.

Administratori mund të delegojë kompetencat të veçanta por nuk mund të delegojë tërësinë e kompetencave të tij.

Administratoret janë përgjegjës individualisht ndaj shoqërisë ose të treta për shkelje ligjore, për shkeljen e këtij statuti, për fajet e kryera gjatë administrimit të shoqërisë. Administratori ka detyrimin e besnikërisë ndaj shoqërisë.

#### NENI 17

##### **Ekspertët Kontabil**

Asambleja e ortakëve cakton ekspert kontabil për një periudhë prej 2 vitesh financiare. Emerimi i ekspertit bëhet nga asambleja e përgjithshme. Gjithashtu ai emerohet dhe një zvendosje ekspert kontabil në rast të mos pranimit, pengimit doreheqje ose vdekje të ekspertit kontabil.

Ekspertët kontabil zgjidhen nga një listë e hartuar nga organizimi profesional i eksperteve kontabil.

Nuk mund të jenë eksperte kontabil administratoret e shoqërisë si dhe paraardhësit dhe pasardhësit, bashkëshortet e tyre, themeluesit si dhe personat e afert deri në shkallën e katërt. Ekspertët kontabil mund të japin doreheqjen për arsye personale.

*Ekspertët kontabil kanë për detyrë të :*

- Kontrollon vlerat dhe dokumentet kontabil të shoqërisë
- Të kontrollojë pajtueshmërinë e kontabilitetit të shoqërisë me legjislacionin në fuqi.
- Të verifikojë përputhjen me llogaritë vjetore.

Ekspertët kontabil nuk duhet të përzihen në drejtimin apo administrimin e shoqërisë.

*Ekspertët kontabil duhet të informojnë administratorin për:*

- Kontrollin dhe verifikimin që janë kryer.
- Verejtjet për ndryshime që sipas tyre u duhen bërë bilancit dhe dokumentit kontabil.
- Pargullsitë dhe pasaktësitë që janë zbuluar

*Ekspertët kontabil duhet të informojnë asambleen e ortakëve për:*

- Një raport të përgjithshëm për verifikimin dhe kontrollin e kërkuara nga ligji.
- Verejtjet për llogaritë vjetore.
- Raportin për zmadhimin ose zvogelimin e kapitalit themeltar.

Ekspertët kontabil mban përgjegjësi për shqyrtimin e llogarive dhe rregullshmerinë e tyre.

Ekspertët kontabil është përgjegjës si ndaj shoqërisë ashtu edhe ndaj paleve të treta për pasojat e demshme që rrjedhin nga fajet dhe nënvlefësimet e tyre gjatë ushtrimit të funksioneve perkatese.

#### NENI 18

##### **Viti financiar**

Rezultatet e veprimtarisë të çdo shoqërie tregtare vlerësohen periodikisht në fund të çdo viti financiar.

Kohezgjatja e vitit financiar është 12 muaj dhe përputhet me vitin kalendaristik.

Për të pasur llogaritë vjetore që të pasqyrojnë realisht pasurinë dhe gjendjen financiare, shoqëria duhet të :

- Mbajë një kontabilitet të rregullt në përputhje me kërkesat e ligjit.
- Të kontrollojë me inventar ekzistencën dhe vlerën e pasurisë në mbyllje të vitit financiar

#### NENI 19

##### **Fitimi**

Fitimi që do të shpërndahet përbehet nga fitimi i vitit financiar, të cilit i janë zbritur ose janë shtuar respektivisht humbjet apo fitimet e mbartura nga vitet e mëparshme.

*KB  
PL*

**NENI 20**  
**Dividentet**

Asambleja e pergjithshme mund te vendose shperndarjen e dividendeve vetem pasi:

- Te kete miratuar llogarite vjetore
- Te kete percaktuar shumen qe do te ndahet.

Cdo dividend i shperndare duke shkelur keto rregulla, perben nje dividend fiktiv.

**NENI 21**

**Shndërrimi, Bashkimi dhe Likuidimi**

Shoqeria mund te bashkohet me shoqeri te tjera me vendim te Asamblese e Pergjithshme.

Një shoqëri mund të riorganizohet nëpërmjet bashkimit me një shoqëri tjetër, nëpërmjet ndarjes në dy apo më shumë shoqëri të tjera ose nëpërmjet shndërrimit të formës ligjore.

Shoqëritë mund të riorganizohen vetëm pasi kanë qenë të regjistruara për të paktën një vit.

Bashkimi i shoqërive kryhet në përputhje me dispozitat për mbrojtjen e konkurrencës.

Shoqeria është në likuidim e sipër nga momenti i prishjes së saj për çdo lloj shkakut përveç rastit kur kemi të bëjmë me bashkimin e pjesëve të kapitalit.

Kur vendoset prishja e shoqërisë, asambleja e pergjithshme cakton likuidatorin, akt i cili regjistrohet në regjistrin tregtar pranë QKR.

Aktet e likuidimit së bashku me llogaritë perfundimtare depozitohen në regjistrin tregtar pranë QKR.

Mbas mbylljes së likuidimit dhe depozitimit të dokumentave në regjistrin tregtar, shoqëria c' regjistrohet prej tij.

Likuidatori është përgjegjës si ndaj shoqërisë ashtu edhe ndaj paleve të treta për pasojat e demshme që rrjedhin nga fajet dhe nenvlefesimet e tyre gjatë ushtrimit të funksioneve perkatëse.

**NENI 22**

Ky statut i Shoqërisë me përgjegjësi të kufizuar u hartua në 4 kopje, në gjuhën shqipe dhe nënshkruhet me dëshirën e ortakut të vetëm duke vendosur emrin, mbiemrin dhe firmën origjinale në të gjitha kopjet e tij.

**ORTAKU I SHOQERISE TREGTARE**

**Kristina Beqirllari**

*Kristina Beqirllari*  
*KB*  
*14*